

## तू टेर लगाले सांवरिया ने

कोई आवे या ना आवे,  
यो आडे आसी जी,  
तू टेर लगाले सांवरिया ने,  
दौड़यो आसी जी,  
कोई आवे या ना आवै.....

सूझे ना जद रस्तो कोई,  
हो ज्या मनड़ो अधीर,  
घायल मन की बात यो सुण सी,  
आय बंधा सी धीर,  
धीर बंधा सी बाबो,  
सर पर हाथ फिरा सी जी,  
तू टेर लगाले सांवरिया ने,  
दौड़यो आसी जी,  
कोई आवे या ना आवै.....

रोवे जद आंखड़लया थारी,  
टप टप टपके नीर,  
टप टप टपके नीर,  
एक एक आँसू ने पौँछे,  
दूर भगावे पीर,  
दूर भगावे पीर,  
पौँछ आंसूड़ा थारा,  
पौँछ आंसूड़ा थारा,  
हिवड़े लिपटा सी जी,  
तू टेर लगाले सांवरिया ने,  
दौड़यो आसी जी,  
कोई आवे या ना आवै.....

सूरदास मीरा कर्मा सब,  
कह गया संत फ़कीर,  
लाज बचाई थी द्रोपदी की,  
नानी बाई को बीर,  
यो चेतन कर सी जीवन,  
भव पार लगा सी जी,  
तू टेर लगाले सांवरिया ने,  
दौड़यो आसी जी,  
कोई आवे या ना आवै.....

अपने Android मोबाइल पर [BhajanGanga](#) App डाउनलोड करें और भजनों का आनंद ले |